

*Minister di Salubridad Richard Visser*

## Mester concentra tanto riba prevencion como combati e problema di adiccion na Aruba

**ORANJESTAD** – Den e procesopara combati e problema di adiccion, ta trahando riba algun aspecto di prevencion te na re-integracion di e personanan adicto den nos comunidad. Minister di Salubridad Richard Visser a bisa cu nan a bin ta haci hopi trabou riba e problema aki. E ta consciente cu e problema ta grandi cu tin preocupacion den comunidad, pero no por simplemente traha riba cura so, pero mester traha riba e parti di prevencion tambe. Visser a bisa cu nan a bin cu e diferente ‘halfwayhouse’. Tambe a bin cu e proceso di pone hende bou di curatela y diferente proyecto pa purba di haya mas cliente cu ta bon pa

traha cu nan activamente den e proceso di rehabilitacion. E ta un proyecto cu ta di un embergadura grandi.

### AYUDO

E ta un proyecto cu mester ayudo di tur hende den esaki. E malesa di adiccion ta un problema di tur hende y tur hende mester coopera. Sector priva a cuminsa coopera, pero mas cu tur cos ta importante tambe pa e serviccionan di Gobierno tambe coopera. Tur hende falta pa coopera aki. Tin un structura y un base hopi bon poni den otro, caminda cu por traha riba dje y ta trahando riba dje. A wak e cifranan di 2012 ta muestra cuanto trabou ta bay den e



maneho di adiccion tur dia.

### ESFUERSO

Visser a bisa cu un adicto ta rekeri hopi hende y hopi trabou. Den aña 2012 a procesa un grupo grandi di adicto, cu ta nifica cuanto esfuerzo e organisacionnan no gubernamental a hinca den e proceso aki. Visser a indica cu no ta solamente na Aruba a uza profesionalnan pa yuda den e proceso aki. A haya yudansa tambe di profesionalnan di

Hulanda, Curaçao y Santo Domingo. Awor aki e proceso a cuminsa y e intencion ta pa sigui cu e proyectonan pa combati adiccion.

### PREVENCION

Universidad di Aruba a midi e situacion di adiccion na Aruba y esaki a yuda pa fiha e direccion cu ta bayendo cu e proceso aki. Den prevencion a cuminsa mas fuerte ainda pa cuminsa e proceso di conscientisacion di 5de klas

pa ariba. Fundacion Anti Droga Arubano ta haciendo esaki y tin mas grupo ta tratando e clientenan. Mas ainda e esfuerzo di sector priva tambe ta dunando un man den e proceso.

Visser a bisa cu tin hopi hende trahando riba e problema di adiccion y a indica cu nan mester mas tanto yudansa cu ta posibel pa preveni cu tin mas casonan di adiccion y trata e casonan cu presenta tambe. □